



Provedór Hosting “Bulletproof”: Kraak iha armadura estrutura kriminál sibernétiku

Kriminozu sibernétiku mak susesu depende ba infrastrutura ne'ebé seguru, la detetável no resistente. Iha kada ezemplu kazu komprometimentu rede, kredensial mak nauk ona ransomware, ka nauk dadus no faan iha fórun ilegal sira, ne'e mak infrastrutura seguru ne'ebé fó oportunidade ba kriminozu sibernétiku atu halo operasaun no nafatin la koñesidu.

No entantu, ba kriminozu siber sira, hela la detektavel no araska atu trace, sai dezafiu mak aumenta boot. Koperasaun global entre governu sira, autoridade seguransa no setór privadu halo buat ne'e araska liu tan atu hela nafatin anonimatu iha online. Adisionálmente, kriminozu siber balun deit mak iha abilidade no koñesementu ne'ebé presiza atu jere no kontinua fó seguransa ba infrastrutura sira nian an. Hodi ne'e, sira buka provedór ilegal ne'ebé bele fó servisu iha nia laran, hodi kriminozu bele foka ba vítima no lucre.

'Cybercrime-as-a-service' mak merkadu ilegal ne'ebé desenvolve atu sustenta kriminozu sira. Merkadu ilegal ida ne'e kompostu husi kualkér feramenta sira, servisu no informasaun sira ne'ebé bele sosa no kontinua aumenta husi tempu ba tempu mak ajuda kriminozu siber halo alvu online nu'udar vítima. Kriminozu sibernétiku sira ne'e sei bele sosa asesu ba rede, sosa feramenta atu ajuda evita husi medidas seguransa sira, no mós sosa malware atu monta kontra vítima sira no nauk informasaun pesoal. Provedór hosting Bulletproof (BPH) ne'e mak parte ida husi ekosistema ida ne'e no oferese infrastrutura mak seguru kontra kriminozu sibernétiku sira. Importante liu, provedór BPH ida bele diretament kapasita atus ba atus kriminozu sibernétiku ba alvu vítima sira iha mundu tomak.

Sa'ida ne'e provedór hosting “Bulletproof”?

Simplesmente, provedór BPH sira fó aluga infrastrutura virtual no/ka fiziku ba kriminozu sibernétiku sira iha fatin ne'ebé sira bele halo operasaun. Provedór BPH sira ne'e ma klase espesifiku husi servisu infrastrutura internet nian ne'ebé kapasita atór malisiozu sira (inklui kriminozu sibernétiku) ba host konten ilegal no realiza operasaun iha internet laran.

Termu “bulletproof” ne'e puro marketing deit. Iha realidade, servisu sira ne'e fraku hanesan provedór infrastrutura sira seluk hodi kona distrusaun. Aleinde, provedór BPH rejeita ba obedese autoridade legal no pedidu hodi taka kontén sira seluk, no ignora keixa abuzu husi vítima sira no avisu husi subskritór sira. Ida ne'e signifika katak kriminozu sibernétiku sira bele komunika, realiza forun no website ilegal sira, monta kampaña malware no phishing sein sente tauk katak operadór sei termina sira-nia aluga ho forsa legal ka pedidu sira seluk.

Provedór BPH hatene partisipa iha ekosistema kriminozu sibernétiku nian no fasilita kriminozu sibernétiku mak motiva ho osan. Insidenti kriminozu sibernétiku boot mak afeita organizasaun Australianu sira no sira-nia kliente ne'e akontese ona nu'udar rezultadu husi kriminozu sira uza provedór BPH nian. Konsekuénsia husi insidenti sira ne'e inklui ona atakante ransomware ne'ebé halo disruptivu, ekstorsaun dadus no nauk informasaun sensitivu.

Reprezentasaun husi anúnsiu provedór hosting bulletproof iha forun ilegal sira:

Oferta foun! Hosting Seguru no Naun sensora

Agora ba buka servisu BPH ka? Ami adapta ami-nia servisu sira ba ami-nia kliente sira no ho presu razoável sei servisu ho Ita hodi hetan sa'ida mak Ita presija. **Ami respeita Ita-nia privasidade no la book kona-ba Ita-nia atividade!**



Oferta Servisu Padraun BPH


Rede proxy atu ofuska atividade kliente


Back-end hosting


Admin/ Suporta


TLS Sertifikadu sira


Domain Rejistu


Hosting iha fatin ne'ebé la kona kontrola husi polisia no governu


infraestrututra C2 ba operasaun malware


Botnet C2 servidór sira


Fatin merkadu kriminozu siber sira no forun sira ba Ita-nia negosiu



Hosting Ita-nia Website Leaks Dedikadu iha ne'e. Ami se la monu!

METODU
PAGAMENTU
SIRA


BITCOIN


TETHER


ETHEREUM



LITECOIN

Hanusa provedór BPH sira ne'e halo servisu?

Modelu negosiu diferente entre provedór BPH sira. Métodu ne'ebé komún liu mak envolve fó aluga enderesu IP sira ba kliente kriminozu siber sira no uza rede komplikadu troka métodu atu ajuda halo la klaru sira-nia lokasaun, identidade no atividade sira. Iha kazu barak, provedór BPH sira faan fali ka fó aluga enderesu IP no servidór sira husi provedór hosting lejitimu sira, sentru dadus ka Provedór Servisu Internet (ISP) sira. Provedór 'upstream' sira ne'e bele la siente katak sira fornese infraestrutur ba provedór BPH ne'ebé depois fornese servisu 'downstream' ba kriminozu siber sira.

Provedór BPH konfigura sira-nia rede no arkuitetúra sistema nian atu halo buat ne'e araska liutan atu identifika sira-nia kliente. Por ezemplu, sira sempre troka identifikadór internet asociadu ho kliente nia atividade – hanesan sira-nia enderesu IP asinadu no naran domain. Téknika nune'e sai dezafiu ba defensór no investigadór sira ho halo nia araska liutan ba liga insidenti ida no enderesu IP ida uza hela ho atór ka kliente ida iha kualkér tempu. Adisionálmente, provedór BPH siempre uza infraestrutur iha nasaun laran sira ne'ebé iha rejimu siber permisivu, iha ne'ebé medidas formal atu investiga no prevene atividade siber malisiozu hanesan la iha ka moderadu deit.

Oinsa bulletproof hosting provedór diferente sira atu lejitimu provedór infraestrutura sira?



Oinsa provedór BPH fó impaktu ba ameasa kriminozu sibernétiku

Provedór BPH representa oportunidade valór ida atu distruir kriminozu sibernétiku atus to'o rihun iha tempu dala ida deit. Kriminozu sibernétiku balun no atór malisiozu sira seluk uza servisu sira ne'e ba halo fasil liutan sira-nia violasaun – fiar katak sira-nia atividade sei bele subar nafatin no bele halo operacional kuandu hasoru pedidu ba hasai ka keixa abuzu sira.

No entantu, autoridade legal, ajénsia governu sira, no setór privadu halo kolaborasaun atu alvu no distruir provedór infraestrutura ilegal sira ne'e, inklui liuhusi medida defensivu hanesan proativu blokeia trafiku internet husi provedór BPH koñesidu. Atividade sira ne'e ajuda ba redus montante husi krime siber sira halo interasaun ho Australlianu sira no rede aliadu sira, no inklui uza provedór 'upstream' lejitimu no ISP sira ne'ebé karik la konsiente fasilitas provedór BPH sira ba asesu internet no fornese infraestrutura seguru ba kriminozu sibernétiku sira.

Provedór BPH sira laos kategoria ida deit husi provedór infraestrutura iha ekosistema krime siber nu'udar servisu ida. Servisu sira ne'e kontinua no fasilita ameasa krime siber ba Auztralia ho ativamente suporta kampaña kriminozu sibernétiku no deliberamente impede investigasaun no responde parte legal nian. Foti asaun kontra provedór BPH enfaze ba vulnerabilidade husi servisu sira ne'e no atór siber malisiozu sira ne'ebé uza servisu sira ne'e.